

საქართველოს მემორიალი



უძალესი პოლიტიკა.



№
22

1920 წ.
აპრილის 18



ბათუმს უმზერს უმწვერვალეს პოლიტიკაში გართული.
ამბობს: „ნეტა ეს ქალაქი რათ უნდა იყოს ქართული?
აგენტები ბლომიდა მყავს, მი სკორო ბუდემ უ ცელი!“
ერთი ბაქოსაც დახედოს თუ არ დაუშლის მუცელი!

დენიკინელი

დენიკინელი! იცით რაა დენიკინელი? მე სხვა ამგვარი არ მინახავს ქვეყნად არსება. რუსეთში იგი კომუნისტის სისხლით ქეიფობს, საქართველოში მყის კომუნისტს დაემსგავსება.

როდესაც მირბის ჩვენი ქვეყნის საზღვრებისკენ, ბალშევიკების შიშით ლაჩრულ კულ ნაძუები, ჩვენზე ლოცულობს ხელ აპყრობილ მუხლ მოდრეკილი, გულწრფელი ცრემლის თითქო დასდის მთელი რუები.

მაგრამ როდესაც შინ შემოვა, მზეზე გათბება, გულს დაიმშვიდებს შეშინებულს და გამხდალებულს, ის ბალშევიკის ქეჩხოსა და ქურქში ეხვევა და ჩვენ სამტეროდ შრომას იწყებს აქ გაცხარებულს.

დენიკინელი!... იცით კარგათ მისი ბუნება? თქვენ იცით რაა ქეშმარიტი დენიკინელი? როცა ჩვენს მკერდზე გამოძარს ღონე დაებრუნება, მყისვე შხამიან კბილს გაგვიყრის ცბიერი გველი.

ოჰ, გინდა მოვკალ, დენიკინელს ვერ დავენდობი, ის, როგორც მარტი მოლაღატე, ცვალებადია, ის მუდამ სხვისი სისხლითა და ნაშუსით ვაჭრობს, მას სხვა ღირსება უკეთესი არ ახადია.

მორიელი.

რკინის გზის ფურცელი № 3.

(ყოველკვირეული გამოცემა რკინის გზის მთავარ მოხელეთა გასართობათ).

კ ა ტ ა რ ა ფ ა ლ ა ტ ო ნ ი.

პირველი აპრილი.

როდესაც რევიზორმა ქურდევანიძემ სადგურ ბათუმის ბაქანზე თავისი (?) ვაგონიდან დიდძალი სანოვაგე გადმოაღაგა, სწორეთ პირველი აპრილი იყო.

ჩხიკვაძე და ძიძიგური, როგორც დაგეშილი მეძებრები, დაეცენ ბ-ნ ქურდევანიძეს და დაიჭირეს.

— თქვენი გვარი? სასტიკათ ჰკითხეს დამკერებმა.

— გორდუზიანი. დინჯათ მიუგო ბ-ნმა ქურდევანიძემ.

— ეგ სანოვაგე ვისია?

— ვისი უნდა იყოს, რასაკვირველია ინგლისის მინისტრის ლოიდ ჯორჯის.

— მოწმობა გაქვთ?

— ინგლისელს მოწმობა რათ უნდა. სად გავონილა ინგლისელმა მოწმობა აიღოს?

— ჩვენ ინგლისელს კი არა ვთხოვთ მოწმობას, არამედ თქვენ.

და დაიწყა გამოძიება.

რამოდენიმე საათის შემდეგ გამოიკვია, რომ ბ-ნი გორდუზიანი სრულიადც არ იყო გორდუზიანი, არამედ ნამდვილი ქურდევანიძე, ხოლო მის მიერ ჩაპარებული სანოვაგე ეკუთვნოდა მას და არა პატივცემულ ლოიდ ჯორჯს, რომელსაც იმ დღით სანოვაგე კონსტანტინებოლში შეეძინა.

— რისთვის გამოიცვალეთ გვარი ბ-ნო რევიზორო? შეეკითხენ ბ-ნ ქურდევანიძეს.

— მოგატყუეთ.

— ვიცით რომ მოგატყუეთ, მაგრამ ჩვენც ამას გეკითხებით, რისთვის მოგატყუეთ.

— როგორ თუ რისთვის?

— ჰო, რისთვის.

— რისთვის და დღეს პირველი აპრილია.

— სანოვაგე რისთვის გამოაპარეთ საიდუმლოთ?

— სწორეთ იმავე მიზნით. მინდოდა საბაგოს მოსამსახურეები მომეტყუებია.

მიუხედავთ ამ სამართლიანი მიზეზებისა ბ-ნ ქურდევანიძეს, როგორც ჩვენ გვატყაობინებენ, დიდი უსიამოვნება მიაყენეს.

კონტრაბანდისტი.

ახალი მინისტრი.

(სიზმარის მაგიერი).

ბ-ნი ამბროსი ჰიპაშვილი, რომელიც რკინის გზის მთავარ სამმართველოში მსახურებს, ერთობ შორსმჭვრეტელი და წინდახედული კაცია.

როცა სამსახურიდან დაბრუნებული ტრამევის ვაგონს მოახტა, გულდასმით მიიხედ-მოიხედა და რაკი ნაცნობი ვერავინ დაინახა დამშვიდებით ჩამოჯდა სკამზე.

— უკაცრავად. თქვენ საით მიბრძანდებით? თავზიანად ჰკითხა ამბროსიმ თავის მეზობელს.

— რუსთაველის ქუჩაზე, ბატონო ჩემო.

— მსახურობთ ალბათ იქ?

— დიან რედაქციაში ვმსახურობ. თქვენ რკინის გზაში უნდა მსახურებდეთ? არა? იკითხა მეზობელმა.

— დიან მთავარ სამმართველოში.

— რა ამბავია ახალი თქვენში?

— ბევრი არაფერი. ამბობენ ზოგიერთა მოსალოდნელ ცვლილებათა შესახებ.

— მოსამსახურეები ალბათ თქვენთანაც ისევე ზარმაცობენ, როგორც სხვა უწყებებში?

— რა მოგახსენოთ... არიან ზარმაცებიც, ბეჯითებიც... თქვენ ამბროსი ჰიპაშვილს იცნობთ?

— არა, არ გამიგონია... რა მოხელეა?

— როგორ თუ რა მოხელე, ცნობილი ინჟინერია.

— წარმოიდგინეთ, არც გამიგონია. დარცხვენით მიუგო მეზობელმა.

— ბევრი კეთილსინდისიერი, სამშობლოს მოყვარული და მკოდნე ადამიანი მიანახავს, მაგრამ ასეთს ჯერ არავის შევეყრევარ.

— სასიამოვნოა, ძლიერ სასიამოვნო.

— საინტენერო აკადემია ჯერ გერმანიაში აქვს გათავებული, შემდეგ საფრანგეთში, მერმე ინგლისში და დაბოლოს ამერიკაში, ომს რომ არ მოესწრო, იაპონიაშიაც აპირებდი ხარბინის უნივერსიტეტის გათავებას.

— მერმე რა თანამდებობას ასრულებს ახლა ამ უკაცობის დროს?

— ჯერ ჯერობით მკირე ადგილი უჭირავს. არ არის სხვებსავით მეტიჩარა, არც დიდ ადგილზე ოცნებობა უყვარს.

— მაინც საჭიროა, ადამიანს ღირსების შესაფერი დაფასებაც მიეცეს.

— არ ვიცი, რამდენათ მართალია, მაგრამ გუშინ გავიგე რომ გზათა მინისტრათ აპირებენ მის დანიშნას. თუ ეს გამართლდა, ქეშმართათ ღირსეული კაცის ხელში ჩავარდება ჩვენი რკინის გზების საქმე.

— ფრიად სასიამოვნო ამბავი მითხარი. რა გვარია ის ყმაწვილი?

— ნუ თუ მართლა არ ვაგვიგონიათ... ამბროსი ჭიპაშვილი, მთელი ქალაქი იცნობს.

— ცნობმა მეზობელმა გარკვევით ჩაიწერა გახუნებულ წიგნაკში ბ-ნი ჭიპაშვილის გვარი და ყველაფერი, რაც მის შესახებ მოისმინა.

მეორე დღეს გაზეთ „ბრძოლაში“ მსხვილი ასოებით ეწერა:

„ახალი მინისტრი. როგორც სარწმუნო წყაროებიდან ვაგვიგეთ რომ მთავრობის შიმაღენლობაში მოსალოდნელია ძირითადი ცვლილებები. გზათა მინისტრის ნოე გ. ხომერკის ნაცვლად უწყების გამკეთ ინიშნება იაპონიაში კურს დამთავრებული ახალგაზრდა ცნობილი ინჟინერი ამბროსი ჭიპაშვილი“.

რკინის გზის მთავარ სამართველოში ამ ამბავმა დიდი სენსაცია, სიცოლი და აურზაური გამოიწვია. ყველანი ერთხმათ ამტკიცებენ: ვილაც ეშმაკმა იხუმრა ეს ამბროსი ჭიპაშვილზეო.

ხმა ღვთისა და ხმა ერისა ყოველთვის არ მართლდება.

ტყემალი.

რედაქტორი კვერთხაქე.

ვირი

იგავს გეტყვით საგანგებოს...

ერთ ვირს,
ვირად სანაქებოს,
(არ გავამხელ აქ მის სახელს

ერვენელს, თუ ყარაბაღელს.)
ცხვირწინ ჰქონდა დაფენილი
საძოვარი ეზო რბილი,
რა იონჯა,
ოა სამყური
ემოსა მას უცნაური...
რარეგ ნორჩი კონიდარი
იდგა აბრეშუმის დარი...
ძნელათ იტყვის
კაცის ენა,
საზრლო იდგა იმოდენა.
ეზო მწვანეთ ბიბინებდა,
ვირი ხტოდა,
ხვიხინებდა,
სქამდა რასაც კი ინებდა.
და ვასუქდა ის მუტრუქი,
ნორჩ მდღელოზე ნაბუნდრუქი.

ერთხელ, იმა სახედარმა,
ვირთა შორის
ბრძენთა დარმა,
მწვანით გული რა იჯერა,
რა გაივსო, გაიბერა,
ძირს სიუხვით დანამთვრალი
ხის კენწეროს მისცა თვალნი.
იქ კი, მალლა
კენწეროზე,
თვალ აუწვდენ ხის წვეროზე,
კოკრებს გული გაეშალა
და ჰყვოდა წითელ თვალა.
მისის ეშხით
დადაგული
აუტოკდა მუტრუქს გული
მას მოლნდა თაიგული...
აღბათ მკერდზე დასაბნევათ...
და ამ მიზნის მისალწევად
ხეზე ასვლას გაეპირა
ეგ დიდუჟრა
და ქვიქვირა.

მე კი აქაც იმ აზრს ვიცავ
(თქვენ თავსა და მზესა ვფიცავ!)
რომ ვირს
რაგინდ სანაქებოს
რაოდენიც არ ენებოს,
ხეზე ასვლა გაუპირდეს
და ვირობს,
ვინც გაუპირდეს.
ჩვენ ვირს სადლაც წაეკითხა,
(სისწორე კი არ ეკითხა)
რომ ვირობნი, ინდოელნი
ხეზე ხტიან
ვით ფრინველნი.
მათ ეს საქმე სულ არ უჭირთ,

საზავო კონფერენცია.



რა ყოფილა გაზაფხულის უღმობელი მზეო,
 უცნაურად იმოქმედა „მაღალ სემიზეო“!
 თუ არც გუშინ სწამდათ მისი კანონად ნებაო,
 დღეს ხომ ყველას უხარია: რა ჩქარა დნებაო!

ხეზე ასვლა
 ჩირად უღირთ.
 ვირი ამით ნათამამი
 არ დაფიქრდა არცა წამი,
 ხეს ეცა თავი განწირულად
 და შეახტა მას...
 ვირულად.
 დახეთ ბედსა... ხათაბალო!
 ძირს დაეცა ყირამალო.
 თაიგული ხეთ ვერ იგდო...
 მაგრამ...
 თეძო ამოიგდო!
 ამ იგავის აზრი მთელი
 აქ არ არის გასამხელი.
 ვიტყვი მხოლოდ
 ნაწილს მცირეს:
 გყოს ვირებს, რაც ივირეს.

ცხვირ წინ განძს ვინც
 ვერა ნახავს,
 ვარსკვლავთ კრეფას კი იზრახავს,
 თქვენ იმედი გქონდეთ სრული
 შეემთხვევა
 ვირს ვირული.

ეჭმეაქი.

შექანჯახლებულის ლექსები.

იწი, ბიწი, იწი, ბიწი!
 ფქვილის ღომი და ხაფიწი.
 ფეხზე მესტი ვერ ჩაიცივი...
 რაეჭნა, სირცხვილით დავიწვი,
 აღდგომა ვერ მოგილოცეთ,

ნაცემართა თავშესაფარი.



ძველათ ამოზღენ, ყველა გზა რომში მიდისო. ეხლა ეს ანდაზა უნდა შეიცვალოს, რადგან დღეს ყველა გზა საქართველოში მოდის.

კვერცხით ხელში, ვერ გაცოცხეთ
რაგქნა ძმებო, რა არ ექენი,
ფული, კვერცხის შესაძენი
ვერ ვიშოვნე, ვერა, ვერა,
მაპატიებთ, ვიცი, მჯერა,
მე მილოცვას ასე გვიანს,
(არ შეფერის ეს კაცს ქვიანს
დარბაზობა, ახალკვირას)
ქნარს ავიღებ, გავკრავე წკირას,
ეხლა კვერცხიც შევიძინე:
(დღე-და ღამე არ ვიძინე,
ვედარბაზე ყველგან ქათმებს,
ინდაურებს, იხვებს, ბატებს,
ყველას ნისკარტზე ვაცოცე,
თითო კვერცხი ავაცოცე),
ეხლა მსურს ჩამოგირბინოთ,
ზინიანებს და უბინოთ,
გინახულებთ თითო-თითოდ,
ამხანაგებს „საეზიტოდ“

და თუ პასქას, „საცივს“ მაქმევთ,
და თუ ცოტა რამეს მასმევთ,
თუ მომიჭრით შემწვარ კრავსა,
ცოტა კბილის გასაკრავსა,
და გექნებათ მასთან გოჭიც,
წამეშლება შუბლს ნაოჭიც,
გულის თანგიც გამიჭრება,
როგორც დილით ვარსკლავთ კრება.
დაგიანდა, მაშ, დავიწყო,
გოდორში კვერცხი ჩავიწყო
და გეახლოთ მზიარული,
შენაქანჯალ გადაკრული,
ჰერი, ბიკო, ჰერი, ჰერი,
კვერცხს უხდება ლალის ფერი,..
აბა დელი, დელი, დელი,
მიყვარს კვერცხი მე წითელი...
აბა, ტაში, ჩქარი, ჩქარი!
აღსდგა ქრისტე მაცხოვარი,
და მეც იმიტომ ვიჩქარი,

მოგილოცოთ მსურს სულ ყველას,
პეტრეს, ვანოს, ესიკელას,
პალასის და ჯაჯიკელას,
დაგიკოცნოთ ყურის ძირი...-
თუმც მიჯდება ძლიერ ძვირი,
თითო კვერცხს ყველას გიბოძებთ,
ცხვირის წვერზე თუ მაკოცებთ.
მაშ, დავიწყებთ! ჯერ გოდორი,
კვერცხით საესე და თავ სწორი
ზურგზე უნდა მოვიკიდო,
მილოცვის დროს კვერცხი თითო
ამოვაძრო, მივსცე ყველას...
პასქა გადაუგდე მელას,
და მოძახის დელი დელას...

I.

ბატის დიდ კვერცხს ხელში ვიპყრობ,
უწინარეს ყოვლის (ვფიქრობ)
საქართველოს მოულოცო,
მოვეხვიო და ვაკოცო,
უთხრა... „დედა, ქრისტე აღსდგა“!
ჩვენი მტრები ზე ვერ ადგა,
მათ საფლავი გაეთხაროს,
ჩვენმა ხალხმა კი იხაროს,
დღეს რომ გული დაგიჩაგრეს,
იგი წყლული მალე გაქრეს,
ბათომი კვლავ დაგვიბრუნდეს,
მტრებს იმედი გაუმტყუნდეს.

II.

აზერბეიჯანს.

დმერთმანი, არ მშურს გაკოცო,
მაგრამ, შენ რა მოგილოცო?
შენ აღდგომა ქრისტეს არ გწამს,
შენი ხალხი გოქსაც არ სჯამს?
აბა, რავექნა, ძმავ, მაშადი,
გამოვაცხვე ტორტათ შქადი,
მოვალ შენთან მხოლოდ ამით:
ქიშმიშ-ლაბლაბ-შაქარლამით...
საფრთხილო გვაქვს დრო და ჟამი
ფხიზლად ვიყოთ, სჯობს იცოდეთ,
მეზობლებს ხელი უწოდეთ
სამოყვროთ და სამეგობროთ
თორემ სამტროდ, სამეკობროდ
გაწვდილ ხელებს იცნობს ყველა,
და გეწვევა ხათაბელა...
შუღლი, მტრობა, და ქიშპობა,
სჯობს, რაც ადრე მოისპობა;
შეხე, წითელი დათვები!..
ლამის გადმოლაზონ მთები,
ყველა ჩვენსკენ იქიბება,
დროზე სჯობს ძალის მოკრება,
მტერიც მაშინ გაგეყრება
თუ გსურს მოყვრის დამოყვრება...

გამომართვი ეს კვერცხია,
ითელი ქისფერი სცხია...

III.

სომხეთს.

ახბარ! ძმებო, მოგილოცავთ,
მაგრამ, ეს სთქვით, რაზე ხოცავთ
ძმები ერთ-ერთს ასე მტრულად?
სჯობს, რომ იყოთ მეგობრულად.
ყარაბახი... ზანგეზური...
სწ-ღ-ბა ხალხი უბე-ღური...
დროზე შესწყდეს ქიშპი, შუღლი,
დაჩოქილ ხალხს სტკევა მუხლი,
უნდა ზეზე წამოდგომა,
მშვიდი ყოფნა მშვიდი შრომა...
ახვერ! მოდი მეგობრულად
შემოვძახათ მეზობლურად,
ტრემლი ვღვაროთ ერთს ტაფაში,
და ვატროთ მტერნი ჩვენი...
ეს კვერცხი კი მიიძღვენი,
თუ გინდ ახლავე გაუტკვენი
სჯამე, გამოსწოვე წვენი...
ოტა, მეც კი მომიფტკვენი...

IV.

დენიკინლებს.

დილი, დილო, დილი, დილო,
სუ! არსად არ გამაზილო,
საქვე ვქენი სასაცილო!
ლაცე კვერცხი, ბატის, ფრთხილად,
დენიკინლებს ნახად, ტკბილად,
მიულოცე და უთხარი,
ვიცი, ბრატკი, ცუდი არი
იმედების გაძტყუნება,
და თქვენც არ გეგემტყუნება,
ლაფლასხმული დაბრუნება,
საქართველოში „СОВАБІЯ“,
ჩემთან Христосоваться
აბა ბრატკი, Христось Воскресе
ყველგან პანღური ამოგკრეს.

V.

მუშა-მოსამსახურეთ.

ახლა, მსურს, თქვენ მოგილოცოთ,
ცხვირის კუშტულზე გაკოცოთ;
აქარა და რაქა, ონი,
და მიტომ ხართ, დანაღონი,
მაგიერში, რაციონი
პურის, ბრინჯის და შაქრისა,
გაგვიდიდეს, რა გვეღირსა,
ჩაეიტკებარუნებთ სულ პირსა,
ძირს ბონები! პური მალდა,
მუშებმა ხმა აღიმალდა.

შექანჯ-ლებული.

ქუთაისი.

სამედიცინო ნაწილის მხრივ ქ. ქუთაისი განსაკუთრებულ კარგ პირობებშია. ყველა ქუჩაზე სცხვრობს არა ერთი და ორი ექიმი. ზოგიერთი მათგანი ყოველგვარი საშუალებით ცდილობს ხალხს ქირი შეუმსუბუქოს.



ვაშ

რომ ხალხს ბონები შემოენახოს და ამით მომავლისთვის თანხა შეუგროვდეს ეს ექიმები პირდაპირ ნაჩურალურ სასყიდელზე გადავიდნენ. იღებენ გოჭებს, კვერცხებს, ქათმებს, ბატებს და წარმოიღიენთ ინდოურებსაც.



ქაშ

ათი-ხუთმეტი ამგვარი კლიენტის მიღების შემდეგ ექიმის სახლი საუცხოვო ზოოლოგიურ ბაღს წარმოადგენს ხოლმე.

„კონტრეკოლუციონერი“.



გუშინდელი კონტრეკოლუციონერები. ამ ტომის ხალხი ამ ჟამად აღარ არის ლესეთში. უმრავლესობა დახვრიტეს, ხოლო დანარჩენები საქართველოში შემოიხიზნენ

დ უ-ბ ე შ ი.

აივანზე ვისხედით.
 ირგვლივ ცაცხვი ჰყვავდა.
 ხშირ ხეებში გარშემო
 არსად სჩანდა სხვა ოლა.
 კამათელს ვაგორებდით.
 ნარდი გვედო შუაში.
 გაზაფხული მეფობდა
 გულში, სისხლში, ქკუაში.
 მე მოგიკალ ორი ქვა.
 სახლში ყველა კარები
 კობტათ მქონდა შეკრული
 გარდა ბეშის კარისა.
 შენ წარმოსთქვი: „რა მინდა:
 დუბეში თუ ჩარები!..
 ღია კარი სად არის:
 ფანჯისა თუ ჩარისა?“
 კამათელი აიღე,

ხელში შეათამაშე
 და სთქვი: „ახა, გენაცვა,
 კამათელო, დუბეში!“
 შეზღვევ გადმოიხარე,
 გააგორე და მაშინ...
 მაშინ... უცებ... ჩაზეხდე
 შენს გაღვილილ უბეში...
 და შიგ... და შიგ... ოპ, ღმერთო!..
 ოპ, წმინდაო სამებაგ!..
 და შიგ თვალი მოვჭკარი
 ორ სასწაულს, ორ რასმე...
 მხოლოდ ერთ წუთს გაგრძელდა
 იხ საამო წამება...
 იმ ერთ წუთში ორას წელს
 გავსწირავდი, ორასს მე!..
 „მე მხოლოდ ვსჭკვრეტ—ვფიქრობდი—
 ამ უცნაურ პატარებს...
 შორიდან ვსჭკვრეტ და ვკვდები...
 და გული მიუჭნდება...“

კონტრეგოლუციონერები.



გუშინ ესენი რეგოლუციონერებად ითვლებოდენ, დღეს კი კონტრეგოლუციონერებად არიან გამოცხადებულნი. უკეთუ ამათაც ისე გაუმკლავდენ, როგორც გუშინდელ კონტრეგოლუციონერებს, ხვალ საბჭოთა რუსეთში აღარც ერთი მცხოვრები აღარ იქნება.

ის კი, თითონ პატრონი,
სულ თავისთან ატარებს...
როგორ უძლებს, არ მესმის,
ცეცხლი რომ არ უჩნდება!...
და გეტყვოდი ჩემ გულში:
„როგორ ნუ გაგპკვირდები?
კამათელი წყვილია...
ჩვენც წყვილი ვართ, მე და შენ!..
ქვებიც წყვილად მოგიკალ...
წყვილად გაქვს ის კვირტები...
—აქ რაღაც ამბავია,
თუ მრწამს წმინდა ზედაზე!...
ამ დროს იგრძენ, შეპწოთიდი,
ათრთოლებულ ხელებით
დაიფარე გულ-მკერდი

და თვალები მესროლე...
ავარიდე მე თვალი
უხერხულ ჩახველებით:
ვერ ვატარე ბოლომდე
თავხედი ქურდის როლი.
—„ერთი ბეში მოგსელიათ...
გააცოცხლებთ ერთ ქვასა!“—
ყრუთ გაისმა ჩემი ხმა,
როგორც აკალდამაში.
შენ კი, მიღუღის ხმით,
თითქოს არც კი ვეთქვასო,
მპასუხე მიბნედი:
—აღარ მინდა თამაში!

თაგუნა.

როგორ გავხდეთ ორატორი.

აწუ

ჩემი ცოლის როლი ჩემი გამოცდების საქმეში.

„გლახა ცოლისა ყოლასა სჯობს კარგი ცოლის ყოლაო.“
ს. ზურგიელიძე.

I.

უნდა მოგახსენოთ, რომ ჩემს მეუღლეს თაობიდანვე ძალიან მოსწონდა საზოგადო მოღვაწეები, ხოლო საზოგადო მოღვაწეთა შორის ყველაზე წინ ის ორატორებს აყენებდა.

რევოლიუციის შემდეგ ჩემი ცოლის ასეთი შეხედულება, კიდევ უფრო გაღრმავდა: ორატორობა მის თვალში სხვა ყველაფერს დაჩრდილა და დააბნელა.

ეს ცვლილება მას ჩემთან დამოკიდებულებაშიაც აშკარათ დაეტყო. უწინ თუ იშვიათათ იტყვოდა: „რა კარგია ორატორობა!“ — გადატრიალებისა და, განსაკუთრებით, საქართველოს დამოუკიდებლობის გამოცხადების შემდეგ ღლე ისე არ გავიდოდა, რომ გესლიანათ არ ეთქვა ჩემთვის: „რა ცოდვამ ჩავიგდო ეგ ენა მუცელში? რა გიჭირს კრებებზე შენც ილაპარაკო? მუნჯი ხომ არა ხარო?“

მე ხან რას ვუპასუხებდი და ხან რას, მაგრამ კითხვა ყოველთვის ხუმრობის სფეროში გადაქონდა და ამ რიგათ დასაწყისშივე ვსაზობდი მოსალოდნელ უსიამოვნებას.

II.

ერთ დღეს ჩვენი ქალაქის მოედანზე დიდი მიტინგი გაიპართა. მომენტის შესახებ სიტყვა წარმოსთქვა თფილისიდან საგანგებოთ ჩამოსულმა პირმა. გამოვიდენ ადგილობრივი ორატორებიც, სულ ოცდახუთმეტმა კაცმა ილაპარაკა. ჩემი ცოლი ყველას გულ-დასმით უსმენდა და მხულვარე ტაშით აჯილოვებდა.

როდესაც ორატორების სია ამოიწურა, მან თავი ჩემსკენ მოიბრუნა და მუდარით ჩამომილაპარაკა.

- ა, კაცო, შენც გადი და სთქვი რამე!
- მეხუმრები? ღიმილით შევეკითხე მე.
- სრულებითაც არა! სერიოზულათ გეუბნები. მე გაშეცინა.

ის გაბრაზდა. „სახლში მობრძანდი, და იქ გავცემ საკადრის პასუხსო!“ მომხალა მუქარით და შინისაკენ მოჰკურცხლა.

აშკარა იყო, რომ მან გადასწყვიტა ჩემს წინააღმდეგ აქტიური ბრძოლის დაწყება და სტრატეგიული მოსაზრებით ბრძოლის ხაზი ქალაქის მოედნიდან საკუთარ ბინაზე გადაიტანა.

უნდა გამოვტყუდე, რომ მე მშვიდობიანობის

მოყვარული ადამიანი ვარ. ომისა და ზავის საკითხში თამამათ შეიძლება ვილსონის თანამოაზრეთ ჩავითვალო, ჩვენ ორთავეს საშინლათ გვეჯავრება ყოველ-გვარი ბრძოლა და დავი-დარაბა. ომი ჩვენ უზღლურებათ მიგვაჩნია, ზავი კი ბედნიერებათ. ამიტომ ომის თავიდან ასაცილებლათ არც მე და არც ვილსონი არ ვერიდებით არავითარ მსხვერპლს, თუშეცა, აქვე უნდა აღენიშნო, მსხვერპლის გაღების საკითხში ჩვენ შორის პაჭარა პრინციპიალური ხასიათის განსხვავებაც არსებობს: მაშინ, როცა ვილსონი მხოლოდ სხვისგან მოითხოვს სამშვიდობო მსხვერპლის შეწირვას, მე უსასტიკესი მტრის სასარგებლოდაც შემიძლია ასეთი მსხვერპლის გაღება. ეს მე აშკარათ დავამტკიცე ჯერ კიდევ 1917 წლის შემოდგომაზე, როცა ერთ-ერთ საზოგადო კრებაზე ხმა მივეცი ესერების ორატორს, რომელიც, ამტკიცებდა რა, თუ რა დიდი უპირატესობა აქვს მშვიდობიანობას ომიანობასთან შედარებით, მოითხოვდა ბათუმის დაუყოვნებლივ გადაცემას ოსმალეთთვის...

ამის შემდეგ ადვილი წარმოსადგენია, თუ რა მძიმე შთაბეჭდილებას მოახდენდა ჩემზე ჩემი ცოლის მიერ გადადგმული ნაბიჯი.

III.

ნაშუალაშვეის პირველი საათი იქნებოდა, როცა მე სახლში მივედი და საწოლი ოთახის კარებთან ფეხ-აკრფით მივიპარე. მართალი გითხრათ, იმედი სავსებით ვადაწყვეტილი არ მქონია. ინცინდენტის შემდეგ საგრძობმა დრომ განვლო, და მე დარწმუნებული ვიყავი, რომ ამ ხნის განმავლობაში ჩემი ცოლი, სავსებით თუ არა, შედარებით მაინც დამშვიდდებოდა, და მისი შემოტევა ისე მკაცრი და შეუბრალებელი აღარ იქნებოდა, როგორც ეს მაშინ, იმ ცხელ გულზე იყო მოსალოდნელი. მეც ამ მოსაზრებით დავივიანე; მაგრამ ის ფაქტი, რომ საწოლი ოთახის კარები დაკეტილი დამხვდა, ნათლათ მოწმობდა ჩემი ტაქტიკის დამარცხებას...

ფრთხილათ და მორიდებით მივაკაკუნე კარებზე. — ვინა ხარ? მომესმა ჩემი ცოლის ნაძინარევი ხმა.

— მე ვარ, ჩემო.. ეგ კარები რათ ჩავიკეტია, გენაცვალე?

- შენ ენაცვალე შენს ეშმაკს!
- გააღე ეგ კარები.. საშინლათ ცივა, — გავიყინე.
- სულიც გაგვარდნია!
- მე არ მესმ-ს ასეთი ხუმრობა!. მალე ორი საათი შესრულდება, უნდა დავიძინო, თუ არა?.
- რაც გსურს, ის ქენი ოთახში კი არ შემოვიშვებ.
- რატომ?
- იმიტომ, რომ ჩემი არ გეყურება.
- ქალო, ნუ თუ არ იცი, რომ ყველაფერს თა-



ვარლამ ჩერქეზიშვილი.

აკაკი ჩხენკელი.

ვისი შნო და უნარი უნდა? ვინ მე და ვინ ორატორი?!

სადა მაქვს საორატორო ნიჭი? ხმაც ხომ წვრილი და დაბალი მაქვს! ნუ თუ შენ არ იცი ეს? ამისათვის რატომ მითარებ სიციცხლეს? რატომ მაყურადობ ამ ცივ ოთახში?!

— ნიჭიც შეგწევს და უნარიც; ხმაც ძალიან კარგი გაქვს და ლაპარაკიც მშვენიერადაა შეგიძლია. ჯინაზე არ გინდა ჩემი გასახარელი საქმე გააკეთო,

მარა, თუ ქალი ვარ, ძვირათ დაგიჯენ ჩემს ასე აბუჩათ აგდებას!

— ორატორობა ჩემს ძალ-ღონეს აღემატება. სხვარამ მთხოვე და ნახე, თუ რა გქნა... აი მაგალითათ, პოეზიას უფრო ადვილათ შევიძლებ. ჩემს ყმაწვილობაში კიდევ დამიწერია რამოდენიმე ლექსი...

— პოეტობა! დიდი რამეა კია პოეტობა! ძველი, დრო მოკმული ხელიობა.

— მაშ, კომპოზიტორობას დავიწყებ! საპატო
დარგიც არის და მოლაშაიაც ეხლა შემოდის.

— არ მინდა!

— ეხ, რომ იცოდე, რა კარგი რეჟისორი ვიქ-
ნებოდი.. ფრთაილათ შევვაპარე მე პატარა ხნის
სიჩუმის შემდეგ.

— არა გაქვს რეჟისორისათვის საქირო ცოდნა
და მომზადება თუ! დაცინვით გამოამხმალურა ის.

— სამაგიეროთ მე სხვისთვის ხელის შეშლა არ
მიყვარს, და ჩემს გულს შურის გრძნობა არ ეკა-
რება.. შენ ეგ სახუმარო საქმე არ გეგონოს, ჩემო
კარგო. ეგ თვისებებია, რაც არის, თორემ, მარტო
ცოდნით თუ საქმის გაკეთება შეიძლებაოდეს, ჩვენი
რეჟისორები ამდენ ხანს ააყვავებდნენ ჩვენს სცენას.

— თავი დამანებე, თუ ღმერთი გწამს;

— დაგანებო კი, მაგრამ... ეგებ, ბოში, ჩემმა
მთავრებში შეესალამ დაგაკმაყოფილოს, მივმართე
მე მას ახალი წინადადებით, ძნელი საქმეთა, მაგ-
რამ..

— თავი დამანებე მეთქი! დაიყვირა მან, რაც
ძალი და ღონე ქონდა, და სიტყვა შუაზედ გამა-
წყვეტინა.

მუდარითა და ტკბილი სიტყვით რომ ვერაფერს
გავხდი, ხმა ავიმალე და ისე დავუწყე ლაპარაკი.

— სრულებითაც არ მეშინია შენი მუქარის,
მტკიცე და იმედიანი კილოთი სთქვა მან. ძველი
დრო არ გეგონოს ეხლა! მამაკაცების ბატონობის
ეპოქა სამუდამოთ გაქრა. ყველაფერს საზღვარი
აქვს, და ქალების ტანჯვა წვალეზასაც ბოლო მო-
ედო. ცოლი და ქმარი დღეს უკვე თანასწორ-უფ-
ლებიანი მოქალაქენი არიან,

— კვი დაგემართოს, მაგრამ ეგ როგორი თანა-
სწორობაა: შენ მაქ, საზიარო ლოგინში, წევხარ
თფილათ, და მე კი აქ ვიყინები ამ შუა-გულ ზამ-
თარში?!

ცხადია, ამ შეკითხვაზედაც თავისებურ პასუხს
გამცემდა ჩემი ცოლი, მაგრამ ამ დროს მოხდა
ერთი შემთხვევა, რამაც საქმის მდგომარეობა არ-
სებითათ შესცვალა, და ბრძოლის სასწორი მოუ-
ლოდნელათ ჩემსკენ გადმოხარა: ხმაურობაზე გა-
მოედვიდა ჩვენს პატარა ბავშვს და ტირილი მორ-
თო.

— არიქა, მამილო, მიშველე რამე და მე მკითხე
შენი პატივისცემა, მივამხე მე მას.

— მამა! დაღირილა ბავშვმა ჩემი ხმის გაგონე-
ბაზე და ტირილს უმატა.

— აბა, გენაცვალე, აბა, მამილო, ვაგულიანებ-
დი მე ყმაწვილს.

ისიც თავ-გამოდებით ყვიროდა და, მიუხადავთ
დღეამისის ცდისა, რომ ის როგორმე დაემშვიდე-
ბინა, კათეგორიულათ მოითხოვდა ოთახში ჩემს
შეშვებას.

ბოლოს და ბოლოს ჩემი ცოლიც იძულებული

გახდა ბავშვის ახირებას დამორჩილებოდა და ჩემ-
თვის კარები გაეღო.

ოთახში შესვლისას ერთი მაგრათ მომაწყველა,
ხოლო დაწოლის დროს ორ-სამ ადგილზე მიჩქიბთა
კიდევ, მაგრამ ყოველივე ეს მე იობის მოთმინე-
ბით ავიტანე და... თფილ ლოგინში ჩაფლულმა
თვალეები დახუჭე ტკბილი ძილის მოლოდინში

4

იმ დღიდან მოწყებილი მე ტკიბლათ აღარ
მიცხოვრია. ჩემმა ცოლმა ჩემს სახლში ჯოჯოხე-
თის ცეცხლი დაანთო და.. მწვავდა შეუბრალებ-
ლათ.

ლანძღვა-გინებითა და წყევლა კრულვით რომ
ვერ გამტეხა, ეკონომიური ხასიათის ბლოკადა გა-
მომიცხადა და დღიური ულუფა ისე შემომიკირა,
რომ სულს ძლივს ვლადავდი.

ბრძოლის ამ უკანასკნელმა მეთოდმა ისე მო-
მაძულა თავი, რომ ახალ-ციხის ფრონტზე კინაღამ
წავედი მოხალისეთ.

— რომ მომკლან?! ჩემდა უნებურათ დამებდა
ასეთი კითხვა, როცა სამზავროთ აბარებულმა
სახლიდან გაპარვა დაეპირე.

— მერე რის გულისათვის? ომის სასწორზე
თავის დაღებას ის არა სჯობია-ესცადო ეგ რაღაც
ორატორობა? შეიძლება კადეც გამოვდეგ.. და, თუ
ვერ გამოვდეგები, ამას ხომ ჩემი ცოლიც დინა-
ხავს და მომეშვება. მეც ვაფეიქტი, თორემ...
რომ შევრცხვე? ჯანი გავარდეს! ამდენ ჯანჯვასა
და სასიკვდილოთ თავის გაწირვას განა ერთხელ
სირცხვილის ქამა არა სჯობია? ოღონდაც, რომ
სჯობია!..

— შენ გაიმაჯვე! დინჯათ ვუთხარი ჩემს ცოლს
და ამით ვაგრძნობინე, რომ მე, თანახმად მისი
სურვილისა, გადავწყვიტე ჩემი ნიჭის ცდა მჭერ-
მეტყველების დარგში.

— ძლივს!. ნეტარების ღიმილით წარმოსთქვა
მან და.. ღმერთო ჩემო, რა ტკბილი იყო ის კოცნა,
რომლითაც მე მაშინ, ორი თვის გაფიცვის შემ-
დეგ, გამაბედნიერა ჩემი ცხოვრების უბადლო თა-
ნამზავრმა!

პირველათ სოფლის მიტინგზე გამოვედი სალა-
პარაკოთ. ხალხმა ტაში დამიკრა, მაგრამ მე თი-
თონ ძალიან უკმაყოფილო დივრჩი ჩემი გამოს-
ვლით.

— შენ გგონია, — ცუდათ ილაპარაკე? მკითხა
ჩემმა ცოლმა, როცა მასაც ვაფუზიარე ჩემი აზრი,
ჩემი, როგორც ორატორის, დამარცხების შესახებ.


— მაშ, ვუპასუხე მე, შიგა და შიგ ენის თა-
ვისუფლათ მობრუნებაც კი გამიჭირდა. ნუ თუ
შენ ვერ შემინიშნე ეს?

— ეს ასეც უნდა მომხდარიყო. აქ გასაკვირი
არა არის რა. შენ ხომ პირველათ გამოდი დღეს.

სახელმწიფო თეატრი



მიშელ ღარიალ — ნანობაშვილი — ვერტერი



დიომიდე თოფურიძე. დამთ. კრებ. წევრი.

რამოდონიეჯერ, მართალია, წაიბორძიკე, მაგრამ ეგ სიმორცხვით მოვიგედა და არა უუნარობით. საერთოთ კი შენმა დღევანდელმა გამოსვლამ ნათელჰყო, რომ შენ ლაპარაკი შეგიძლია. მეტი-მეტი სიმორცხვე.. მაგრამ არა უშავს: ორ-სამხელ გამოსავლის შემდეგ სირცხვილსაც საკმარისათ და-კარგავ და ჩინებული ორატორი დადგები..

— ახირებული ქალი ხარ, ჩემმა მზემ! ხომ დაინახე, რომ...

— მე დავინახე უტყუარი ნიჭი, რომელიც, ეჭვს ვარეშეა, ძალიან მალე გაიშლება და გაიფურ-ჩქნება!

ალარ შევლაპარაკებია. გულში კი ვადაწყვე-ტით ვსთქვი: სულიც რომ ამოხადო, დღეის შე-მდეგ შე ტრიბუნაზე ფეხს ალარ შევდგამ მეთქი!

6

გავიდა ათი დღე. გაზეთ №-ში დაიბეჭდა პა-ტარა კორესპონდენცია იმ სოფლიდან, სადაც მე ვილაპარაკე. წერილში აწერილი იყო ის მიტინგი, რომელზედაც მე გამოვედი და სიტყვა წარმოვ-სთქვი. უცნობი რეცეზენტი ქება-დიდებათ მიხსე-ნიებდა და, სხვათაშორის, ასეთ სტრიქონებს მიძღვნი-და: «დაბალი, მაგრამ საკმაოდ წმინდა ხმა, ლამაზი წინადადებები, საკმარისი ცოდნა, სიგანზე სწორი შეხედულება, მკვეთრი ლოდიკა და სალი ტემპერა-მენტის, — აი რითი ხიზლავს მსმენელთ ახალ-გაზრდა ორატორი.. აქვე უნდა აღვნიშნოთ, რომ ნიჭი-ერი ორატორი გადაჭარბებულ სიმორცხვეს იჩენს, რაც მის ერთ-ერთ უარყოფით თვისებას წარ-მოადგენს. საჭიროა ამ ნაკლის თავიდან მოცილება.

ორატორს მართებს მეტი სითამამე და გაბედულება. ვესურვებთ ახალ-გაზრდა ორატორის ბუნებრივ ნიქს შეუჩერებელი ზრდასა და განვითარებას. კეთილი იყოს მისი გამოჩენა ჩვენი საორატორო ასპარეზის თვალ-საჩინო ადგილზე“.

— ეხლაც არა გჯერა? წყნარი ღიმილით მკითხა ჩემმა ცოლმა, როცა მე ამ წერილის კითხვა გავათავე და ვაზეთი მაგიდაზე დავედვი.

— შენ კი გჯერა ყველაფერი ეს? შევიკითხე მე ჩემის მხრით.

— ხომ ხედავ: თეთრზე შავით არის დაწერილი.

— ნეტავი ვინ უნდა იყოს ავტორი? თითქოს იქ ისეთი არაფერია სჩანდა, რომ... .

— შენ არ შეგინიშნავს, თორემ იქ ინტელიგენტებიც იყვენ.

— შეიძლება იხუმრა ვინმემ, ა?

ეგ! რა შეუსვენელი რამა ხარ! მე არ დამიჯერე: კორესპოდენტის გულწრფელობაში ეჭვი შეგაქვს... მაშ ვისლა დაუჯერებ, რომ შენ შეგიძლია ორატორობა, ვაქვს საამისო ნიჭი და უნარი?.. გაბედულება ვაკლია, და ეს არის შენი უბედურება. მეც ამას ვამბობდი, წერილის ავტორიც ამას აღნიშნავს. მოიშორე ეგ ნაკლი და... ერთი სიტყვით, მეტი გაბედულება და სითამამე, როგორც ამას გირჩევს წერილის ავტორი.

— ეგ ადგილი საქმეა, მაგრამ... .

— კიდევ „მაგრამ!“ დაანებე, კაცო, ამ „მაგრამებსა“ და „თუებს“ თავი! რათ უნდა ჩაქრო შენი გაუბედობით ის დიდი ნიჭი, რომლითაც შენ ასე უხვად დაუჯილდოებინარ ბუნებას!.

ორ-სამხელ კიდევ გადავიკითხე წერილის ის ადგილი, სადაც ჩემს შესახებ იყო ლაპარაკი. თვალწინ წარმომიდგა ის მიტინგი, მომაგონდა ის წამი, როცა მე ტრიბუნაზე ავედი და ლაპარაკი დავიწყე... და ამ მოგონებამ ისე გამიტაცა, რომ მე ჩემი თავი გაორებულათ წარმოვიდგინე: ერთი მოლაპარაკეთ, მეორე მსვენელათ. მაგრამ ეგ მოლაპარაკე ეხლა სულ სხვანაირათ შეჩვენებოდა. ის ლაპარაკობდა მწყობრათ, მდაბოთ, ყველასათვის გასაგებათ; ხან ნელა, წყნარათ, ხან კი მრისხანეთ შესძახებდა და შეეყვირებდა... ხალხი სულ განაბული უსმენდა და თითოეულ მის სიტყვას დიდი ინტერესითა და ხალისით იჭერდა... აი უკანასკნელი წინადადებაც დასრულდა, და ზღვა ხალხის ერთ-სულოვანმა ტაშის ცემაში და ვაშას ძახილმა შესძრა მიდამო.

გამოვერკვი.

— კიდევ ყოყმანობ? შეშეკითხა ამ დროს ჩემი ცოლი, რომელიც სახეზე მომჩერებოდა და ჩემი სულის თითოეულ მოძრაობას ზედ კითხულობდა.

— არა, აღარ ყოყმანობ, ვუპასუხე მე.

— მაშ, გაუმარჯოს ორატორს! დაიძახა მან და ჩემსკენ გამოექანა.

— შენც, შენც გაგიმარჯოს, ჩემო მშვენიერო! და ვიყვირე მე... და ჩვენ ერთმანეთს გადავხევიეთ.

7

რამოდენიმე თვის განმავლობაში მე ისე გავთამამდი, რომ წინდელი ვაუბელობის კვალიც კი აღარ დარჩენილა ჩემში. ტრიბუნა ისე შემიყვარდა, რომ ეხლა უფროსთ სიტყვებზეც კი ვერ წარმომიდგენია. მიტინგებზე სიარული და სიტყვის წარმოთქმა ბუნებრივ მოთხოვნილებათ გადამეცა. ჩემი აღდგომა მაშინ არის, როცა ჩვენს ქალაქში ან მის ახლო-მახლო მდებარე ადგილებში მიტინგი გაიმართება, და მე სიტყვის თქმის საშუალება მომეცემა. ხშირათ შორეულ სოფლებშიც კი დავდივარ საჯარო კრებებზე მიმდინარე მომენტის შესახებ მოხსენების გასაკეთებლათ... ორატორი ვარ ჩანებლდი, მაგრამ უბედურება ის არის, რომ ამ დასაქცევ პრავინციაში ჯეროვანათ ვერ მავასებენ. ადგილობრივი მოწინავე პირები აღმაცერათ მიყურებენ და... ხშირათ დამცინიან კიდევ! „შინაურ მღვდელს შენდობა არა აქვსო“ ამბობს ანდაზა, მაგრამ მარტო ამ ანდაზითაც არ აიხსნება ზემო აღნიშნული მოკლეა. აქ ინტრიგა და შური უფრო დიდ როლს თამაშობს, ვიდრე „შინაური მღვდლობა“. მაგრამ მე მაინც არ ვიტყვ გულს, საესებით დარწმუნებული იმაში, რომ „შუბი ხალთაში არ დაიმალოება“, და ბოლოს და ბოლოს მეც სთანადო ადგილი დამეთმობა ჩვენი სამშობლოს უახლეს ისტორიაში...

ჩემმა ცოლმა უკვი მიიღო თანხმობის ბარათი ბატონ იოსებ იმედაშვილისაგან, რომელსაც ამას წინეთ წერილობითი სთხოვა ჩემი სურათისა და მოკლე ბიოგრაფიის მოთავსება ჟურნალ „თეატრი და ცხოვრებაში“. პატივცემულ რედაქტორს საპატიო ადგილი დაუთმია ჩემთვის აგრეთვე მის მიერ განზრახულ „გამოჩენილ ქართველთა ლექსიკონში“. როგორც ხედავთ, ჩემი მომავალი სავსებით უზრუნველ-ყოფილია, ჩემი დიდების მზე არც თუ ისე დაიგვიანებს ამოსვლას, და მის ბრწყინვალეობას ოდნავაც ვერ გააფერმკრთალებს პრავინციის კოზბის უსუსური ნისლი.

ჩემი ცოლიც დარწმუნებულია ამაში, და მის სიხარულს საზღვარი არა აქვს... მე კიდევ მისდამი ვგრძნობ უაღრეს სიყვარულს და დიდ პატივსაც ვსცემ მას, განსაკუთრებით მას შემდეგ, რაც მე გავიგე, რომ ის წერილი, რომლის გავლენითაც მე ასე თამამათ გვექვანე საორატორო შარა გზაზე, მისი დაწერილი ყოფილა...

D

ახალი პოესიის ნიმუშები.

ავადმყოფი.

მკლე სარეცელზე დაინარცხა ჩემი სხეული,
და უწესრიგოდ ვარ ლოგინში მიყრილ-მოყრილი,
ზანტად ეცემა ძირს ხელები ზე არხეული,
მახრჩობს ოფლის ზღვა ტანჯვისაგან უხვად დაღვრილი.

ვარ მიჯაჭვული ერთ ადგილზე მკაცრი სასჯელით,
რადგანც ვეურჩე ჩემს მბრძანებელს და შევებრძოლე,
მჩხვლეტავს გვერდებში, ვით ქალი მატყოს, ბასრ საჩენელით
და კბილთა ღრქენით ზიზის უცხადებ სენს, შენაბრძოლი.

თლად წარმეკვთა იმედის ფრთა, ვარ მოქანტული,
სიცხე ჩამიშრეტს მალე თვალებს ქუთუთოებში,
ვბორბავ და ვშუთავ, ზეზე ვღვები ცეცხლ მოღებული...
გამიშვით გარედ... ვიწვი... ვყვირი... გამიშვით მთებში.

ვილაცამ თავს ქვეშ რალაც ცივი შამომიგორა,
და თავის კოსრო გამიგრილდა და მივიბნიდე,
ჩავთვლიმე ზანტად, და სიზმრებმა მთებს გააშორა,
საღდაც ვიხილე უცხო მთები და ცისა კიდე.


გამოვიღვიძე... მოთენთილი თვალებს ვერ ვახელ...
გამქრალ დღეების სიამენი მომაგონდება,
მე იმათ მიძღვნეს ეს წამება, მაგრამ არ ვამხრლ,
და არც კი ვნანობ... გული ამით არ მიღონდება ..

მრუში სიცოცხლე ვერ მაშინებს ტანჯვა წამებით,
წუთის სიამეს მე შეესწირავ მრავალ დღის ტანჯვას
მე არ დავზოგავ ტკივილებით გრეხას და მანქვას,
ოღონდ ვიცხოვრო დრო ჩავდებით ტკბილი წამებით.

ვიყო ლაჩარა ჯანისათვის თუ ავიკრძალო
წუთებზე ასხმულ სიტკბოების წარმავლობა,
არ მაქვს სხეულის სიბრალოლი, ან რად ვეკრძალო?
განცხრომის შემდეგ მიცეარს ტანჯვის ბრწყალში გალობა!

მკლე სარეცელზე მე მრავალჯერ დაინარცხები
საზარი სენი მწამს მრავალჯერმე დამიმონებს,
მაგრამ ვერ მომდრეკს ჯიუტს, —ამაყს ყოფნის მარცხები,
რა წარმტაცია სიტკბო, ტანჯვა რომ მოგაგონებს.

ილლაუ სი-ძე.



ამიერ კავკასიის რესპუბლიკათა კონფერენციაზე.



ხელში ზეთის ხილის შტო,
გულში???